

# Universitätsbibliothek Wuppertal

**C. Cornelii Taciti Opera Qvæ Exstant**

**Tacitus, Cornelius**

**Antverpiae, 1668**

Privilegium Cæsareum

---

**Nutzungsrichtlinien** Das dem PDF-Dokument zugrunde liegende Digitalisat kann unter Beachtung des Lizenz-/Rechtehinweises genutzt werden. Informationen zum Lizenz-/Rechtehinweis finden Sie in der Titelaufnahme unter dem untenstehenden URN.  
Bei Nutzung des Digitalisats bitten wir um eine vollständige Quellenangabe, inklusive Nennung der Universitätsbibliothek Wuppertal als Quelle sowie einer Angabe des URN.

[urn:nbn:de:hbz:468-1-1742](#)

## PRIVILEGIUM CÆSAREVM.

**R**UDOLPHVS SECUNDVS diuinâ fauente clementiâ electus Romanorum Imperator semper Augustus, ac Germaniæ, Hungariæ, Bohemiæ, Dalmatiæ, Croatiæ, Sclauoniæ Rex, Archidux Austriae, Dux Burgundiæ, Stiræ, Carinthiæ, Carniolæ & VVirtembergæ, &c. Comes Tirolis, &c. Nostro & Sacri Imperij fideli dilecto IUSTO LIPSI O gratiam nostram Cæsaream. Postquam inter alia, quæ DEVS immortalis hominibus liberali manu dedit dona, illustria in primis illa & quasi diuina sunt, quæ in litteris liberalibus que disciplinis consistunt, quibus scilicet homines non tantum ab animalibus ceteris rationis expertibus, sed à rudi etiam & imperito hominum vulgo ita distinguuntur, ut tamquam Di⁹ quidam splendescere in terris videantur: rem sanè præclaram seque dignam illi præstant, qui diligentem ijs ipsis in litteris ac disciplinis operam ponunt; præclarissimam verò & Reip. utilissimam, qui eas ita excolunt, ut aliorum menti docendo, scribendo lumina præferant, eosque ex ignorantia tenebris quasi manu educant. Quos excitare, quos amare atque animare ad dignitatis nostræ munus, ad quod Diuino vocati beneficio concessuque sumus, in primis pertinere existimamus. Cum itaque ab ijs, quorum nobis spectata fides, qui⁹que iudicare de Litteris possint, acceperimus, insignes te animi ingenijque tui dotes tibi à natura insitas à primis temporibus ætatis tuæ ita litterarum ac disciplinarum studijs excoluisse atque exornasse, ut olim iuuenilibus adhuc annis præclara florēscentis minimeque vulgaris eruditionis specimina præbueris, dum obscura in antiquis scriptoribus loca, quæ quædam tamquam lustra erant, illustrasti, quæque in ijs iniuriâ temporum depravata & corrupta fuerunt, restituisti, dum vetusta Latinæ antiquitatis rudera in nouam subinde structuram singulari artificio eleganter conuertisti: ad exquisitam adeò & raram doctrinam, quæ magnam de te apud doctos quosque viros opinionem excitarit, peruenisse, eamque varijs abs te libris acri & graui cum iudicio scriptis atque in lucem editis ostendisse, ut in eo quod tam feliciter tractes scriptionis genere paucos tibi pares hodie reperiſſe sit: iam verò maturâ te ætate virum, viro magis magisque digna, & viris doctis grata ac Reip. utilia scribere, quæque à primis illis Romanis olim auctoribus scripta fuerunt, à mendis purgare, & lectissimos quosque ex Musarum hortis, in quibus assidue verseris, flores colligere, concinnare, quibus Lectores mirificè recrees, & eorum pectus ad prudentiam probitatemque informes: haudquaquam prætermittere voluimus, quin Reip. ad quam hæc abs te ornamenta conferuntur, causâ, Cæsareo te nostro elogio decorandum, & quamuis per te satis ipse animatus sis, animandum magis patrocinioque nostro defendendum pro benignâ nostrâ in te susciperemus voluntate. Quoniam verò lucubrationibus atque operibus tuis in lucem edendis, peculiarem te eligere velle Typographum, accepimus, Diplomate hoc nostro priuilegioque te & Typographum tuum aduersus quorumcumque fraudem, qui lucri causâ, quod fieri solet, eadem

excus-

excudere aut typis imitari fortè velint, munitos cupimus. Quāmobrem pro auctoritate nostrâ Cæsareâ decernimus, statuimus, vetamusque, ne quis Typographorum, Bibliopolarum, aut aliorum, qui librariam negotiationem exercent, eos libros, quos tu editurus es, quocumque modo, charactere, aut formâ, siue integros, siue aliquam eorum partem typis imitari, edere, excudere, aut vendundare intra sacri Romani Imperij, regnorumque ac Dominiourum nostrorum hæreditariorum fines, triginta annis proximis à primo editionis die computandis, absque tuo tuorumve hæredum consensu attendeat: Hac autem lege additâ, ut tria ut minimum cuiusque libri exemplaria, quemadmodum motis est, ad Imperialem nostram Cancellariam mittantur. Si quis verò edictum hoc nostrum transgredi, violare, aut contemnere deprehensus fuerit, eum non solum eiusmodi libris, tibi, hæredibusve tuis, auxilio Magistratus, vbi cumque reperti fuerint, vendicandis, priuari, sed triginta etiam Marcharum auri puri multâ, cuius semissis quidem Fisci nostri Procuratori, fraudis vindici; alter verò semissis, tibi hæredibusve tuis pendatur, puniri volumus. Mandantes vniuersis & singulis nostris & sacri Romani Imperij subditis & fidelibus dilectis, tam Ecclesiasticis quām Politicis, cuiuscumque status, gradus aut ordinis existenterint, præsentim verò ijs, qui in Magistratu constituti, vel suo vel superiorum suorum loco aut nomine, ius dicunt, iustitiāve exercent, ne quemquam hoc Privilegium nostrum impunè violare, spernere aut negligere patientur: Sed, si quos contumaces compererint, constitutâ à nobis multâ, eos puniri & quibuscumque modis coerceri current, ni & ipsimet grauissimam nostram in se conuertere indignationem velint. Id quod hoc Diplomate, manu nostrâ subscripto, & Cæsarei nostri sigilli impressione munito, confirmamus. Datum in arce nostrâ Regiâ Pragæ, die primâ mensis Augusti, anno Domini millesimo quingentesimo nonagesimo secundo: Regnum nostrorum Romani decimo septimo, Hungarici vigesimo, & Bohemici itidem decimo septimo.

*Subsign.*

RUDOLPHVS

Iacobus Curtius à Senftenaw.

*Ad mandatum sacrae Cæsareae M<sup>is</sup> proprium*

Io. Baruitius.

*Additum sigillum Cæs. M<sup>is</sup> in cera rubra.*

SVMMA